

**Hao blong kasem  
help**

sapos yu fesem  
famli vaelens o  
seksuel vaelens



# *Long Tasmania, fasin blong famli vaelens mo seksuel vaelens tufala evriwan i brekem loa.*

Hemi impoten blong save wanem ia famli vaelens mo seksuel vaelens long Tasmania mo hao yu save kasem help sapos yu fesem taem yu stap long Tasmania.

I gat ol ples mo oganaesen long Tasmania we oli stap blong helpem eniwan we i bin fesem o i stap fesem yet famli o seksuel vaelens.

Sapos yu stap fesem **wan series emejensi we i tretenem laef blong yu, kolem 000** (tripol siro) mo talemaot long ofisa ia wanem i stap hapen mo ples we yu stap long hem, afta bae ol polis blong Tasmania o narafala emejensi rispons tim i save helpem yu.

---

## **Seksuel vaelens**

Seksuel vaelens hemi fasin we wan man i mekem agensem wan narafala man folet tingting blong seks, mo i mekem narafala man ia i harem i no stret, i wari tumas o i tretenem hem long wan fasin we hemi no bin agri long hem.

Seksuel vaelens hemi inkludum plante kaen fasin we man i no wantem, i no agri long hem, i spolem hem o i mekem kil long hem, olsem:

- Seksuel harasmen
- Abyus tru long teknoloji (olsem fon o intanet)
- Kisim hem be i no wantem
- Tajem hem folet tingting blong seks
- Fosem hem
- Seksuel asolt (atak) inkludum rep
- Seksuel abyus long pikinini

# Famli vaelens

Long Tasmania, famli vaelens hemi taem wan man i mekem vaelens agensem patna o eks-patna blong hem, i abyusem hem (long filing/tingting o long bodi) o i kontrolem hem.

Fasin blong famli vaelens hemi go moa antap long fisikel vaelens nomo, mo i save inkludum ol samting ia:

- Asolt (atakem narafala man), inkludum seksuel asolt
- Ol tret
- Fos
- Mekem man i fraet
- Abyus tru long toktok
- Stilim man ('abduction')
- Folfolem man ('stalking')
- Tritim nogud ('bullying')
- Abyus long saed blong mane
- Abyus long saed blong filing/tingting
- Brekem eni oda long saed blong famli vaelens
- Damejem ol ting o propati blong narafala man
- Fasin blong traem blong mekem eni long ol samting ia we oli listim antap.



# Blong kasem help

Kolem polis long **000** sapos yu fesem wan series emejensi we i tretenem laef blong yu.

Polis Asistens Laen hemi blong ol narafala samting (we i no wan emejensi) mo hemi aveilobol evritaem (24 haoa, 7 dei blong wik) tru long **131 444**

Blong kasem narafala help, yu save kolem:

Famili Vaelens Kaonseling mo Sapot Sevis  
Kolem: **1800 608 122**

9:00am–12am long medel naet (Mandei kasem Fraedei)  
4:00pm–12am long medel naet (long wiken mo ol pablik holide)

Famli Vaelens Rispons mo Riferel Laen  
long 24 haoa, 7 dei blong wik tru long **1800 633 937**

Seksuel Asolt Kraisis Sevis blong Ful Stet  
long 24 haoa, 7 dei blong wik tru long **1800 697 877**

